

Admodum Illustri, admodumque Reverendo

DOMINO

D. L. Æ. L. I. O.

G. V. I. D. I. C. C. I. O. N. O.

Genere &amp; Virtute

CLARISSIMO,

Paulus Zacchias F.



Vid mihi, inquires, Vir Præstantissime, cum Tormentis, & Pœnis? Suem Veneri immolare medius fidius dici potes. At, inquam, id mihi volui, tam diro argumento viri nomen præfigere, cujus notissima naturæ lenitate atrox Tormenti nomen demulceri, cujus morum suavitate acerba Pœnarum appellatio emolliri, cujus doctrinæ splendore, ac Generis claritate hujusmodi vocum horror discuti posset. Quem ergo ipse alium ad hoc mihi expeterem, præter Te unum, habui neminem: frustrari enim me desiderio meo Naturæ tuæ lenitas, Morum suavitas, Doctrinæ splendor, ac Generis claritas non patientur; sed id Te æqui, bonique consulere facient, eamque mihi, qua me cumulatissimè profecutus es, benevolentiam tuam, sartam tectam perpetuo servabunt. Vale.

L. I.

LIBRI SEXTI  
TITVLVS SECVNDVS,

De Tormentis, &amp; Pœnis.

## SVMMARIVM.

- 1 Non omnia tormenta, neque omnes pœne indifferenter omnibus hominibus infligi possunt.
- 2 In tortura agitur de Homine salute.
- 3 Medici circa tormenta infligenda consuluntur.
- 4 Pœne temperantur ob ætatem, & morbum.
- 5 Tormentum est corporis cruciatus.
- 6 Tormentum proprie hic quid sit.
- 7 Questio, Tortura, Tormentum synonyma.
- 8 Questio quid sit.
- 9 Tortura quid sit.
- 10 Pœna quid sit.
- 11 Tormenta, que nunc sunt in usu quatuor sunt, & quoniam sint. (religiosa)
- 12 Tormenti nomen simpliciter prolato, de Chorda in Rei ita torquendi, ut salvi, & ille, vel innocente, vel supplicio serventur. (terrendi)
- 13 Tormenti, verberibus, aut virgis Rei non sunt in Tormenti Chorda descriptio.
- 14 Chorda tormentum vetustissimum.
- 15 Funiculus quid. (brachium)
- 16 Chorda tormentum infligitur aliquando per unum.
- 17 Funiculus descriptio.
- 18 Descriptio Tormenti Taxillarum.
- 19 Descriptio Tormenti Sabillarum.
- 20 Tormentum famis.
- 21 Tormentum siccitatis.
- 22 Funiculus tormentum in eius inventionis principio quomodo veniet in usum.
- 23 Ignis tormentum.
- 24 Tormentum Aquæ.
- 25 Tormentum ex Aceto.
- 26 Tormentum ex Scarabeo.
- 27 Tormentum ex Sale, & Capra.
- 28 Tormentum ex Sale, & Limbo.
- 29 Pœnarum descriptio.
- 30 Temporales pœne quid, quid nem spirituales.
- 31 Corporales pœne que.
- 32 Capitales pœne que.
- 33 Pœne non capitales corporis afflictione que.

Tormentum, Questio, Tortura, Pœna quid. Tormentorum quot genera, quot item genera Pœnarum.

## QVÆSTIO I.



Rrorum inquisitionem tormenta manent, delicta pœnis expiantur, jure ergo post tractatum de erroribus, seu delictis Medicorum, de Tormentis, & Pœnis agendum, de qua materia cum inter Miscellanea differere decrevissem, & plura jam exarasset, visum est, tractationem justæ quæstionis modum

Liber V. I.

nimis excedere, unde coactus calculum reducere, scorsim de his agere oportuit, & unicam quæstionem in plures dividere, eis in unum Titulum redactis. Videbatur autem hoc argumentum à Medico pro Iureconsultis de necessitate tractandum, quia cum Tormentorum, & Pœnarum plura genera, & plures gradus sint, non omnia indifferenter, & in quocunque gradu indifferenter omnibus infligi possunt, sit enim interdum, ut vel ob ætatem, vel ob Naturæ debilitatem, vel ob aliquem morbum, vel vitium, vel ob sexum, vel aliquam aliam conditionem Rei huic, aut illi tormento sint inepti, aut illud in hoc, aut illo gradu non sustineant, alias ex eo tormento in eo gradu inflicto perituri, sic & de pœnis dicendum; quorum omnium consideratio ad Medicum pertinere satis liquet, maxime cum in Tortura, hoc est in tormentorum impositione agatur de Homine salute, ut dicit Farinac. in præf. 2 crimin. quæst. 37. par. 2. tit. de Iud. & Tor. nu. 4. de his autem, quæ ad hominum salutem pertinent, præ omnibus Medicus est sollicitus, arg. l. 1. §. Medicorum ff. de vir. & extr. cognit. hinc est, quod in tormentis infligendis, si torquendus alleget aliquam infirmitatem, ex qua ineptum tormento se dicat, Medicorum ad hoc iudicium exposcitur, ut post alios dicit Farinac. sibi supra, quæst. 41. num. 93. sic etiam Reo deficiente in tormentis, Medicus ad determinandum convocatur, an ulterius sine periculo torqueri possit, pœne, Ambrosii. de mod. form. process. lib. 4. cap. 14. num. 12. & utrum tortus ex immoderato tormento obierit, statim etiam Medicorum iudicio, ut per Farinac. ibid. quæst. 37. num. 141.

Sed ut palam fiat de quanam re futurus nobis sit sermo, videndum est primo, quid sit tormentum, quid item Questio, & Tortura, qui termini pluries progrediente sermone occurrere debent, quid denique sit Pœna, nam & de Pœnis hic agimus, quod inter causas, propter quas pœnas aliquando esse temperandas jubent Leges, recensentur etiam ætas, & morbus, itaque de his quoque agere operæpretium est.

Tormentum igitur, ut omnibus manifestum est, corporis est cruciatus; ex Iureconsultis autem Boli. in præf. crimin. tit. de Tor. nu. 14. dixit, Torturam, vel Tormentum esse magnum corporis dolorem; omnis ergo dolor, dummodo sit magnus, hoc modo tormentum, aut tortura dicitur, sed proprie tormentum accipimus pro cruciatus ab extrinseco per vim inflicto; propriissime vero hic intelligimus pro cruciatus à Iudice illato ad veritatem ex Reis indagandam; quæ tamen definitio minus bona videri posset ex hoc, quia non semper in inquisitione à Iudice per tormenta facta ad veritatem ex Reis eruendam, intervenit cruciatus, cum minæ, & terror à Iudice incussus, & conductio ad locum tormentorum, & simplex spoliatio, & alligatio Rei dicatur Tortura, & inter gradus torturæ connumeretur. Clar. lib. 5. recept. sent. quæst. 64. num. 30. Farinac. in præf. crimin. quæst. 33. nu. 34. Guazzin. ad 11. M m def.







